



FACULTADE DE HUMANIDADES E DOCUMENTACIÓN

CONVOCATORIA DE TRES BOLSAS DE COLABORACIÓN NA EXPOSICIÓN NACIONAL DA CONSTRUCCIÓN NAVAL DE FERROL 2018

A Universidade da Coruña fai pública a convocatoria de 3 bolsas de colaboración na Exposición Nacional da Construción Naval de Ferrol para estudantes da Facultade de Humanidades e Documentación da Universidade da Coruña.

1.º Obxecto da bolsa

O obxecto desta convocatoria é a adxudicación de 3 bolsas que permitan a formación teórica e práctica mediante a realización de actividades de apoio relacionadas con dita exposición.

As tarefas que hai que realizar son as seguintes: establecer un sistema de rexistro, catalogación, ordenación e almacenamento do fondo e tarefas de catalogación e organización da exposición, así como calquera outro de investigación, análise, recompilación ou desenvolvemento de materias incluídas na temática da exposición. As axudas distribuiranse atendendo á oferta educativa do centro.

O importe total desta axuda ascende 4.500 euros con cargo á partida orzamentaria 7100.300C.480.00 – “ Convocatoria de bolsas de colaboración na Exposición naval de Ferrol 2018” da Facultade de Humanidades e Documentación.

2.º Requisitos das persoas solicitantes

A Universidade da Coruña convoca 3 bolsas de colaboración destinadas a aquelas persoas que cumpran os seguintes requisitos:

- Estar matriculada e a corrente do pagamento, durante o ano académico en que se solicite a bolsa, no ensino conducente á obtención dun título oficial da Universidade da Coruña, no curso académico 2017/2018 e continuar estudos no curso académico 2018/2019, así como durante toda a duración da bolsa.
- Non estar en posesión nin reunir os requisitos legais para a expedición dun título universitario na data da finalización do prazo de presentación de solicitudes da convocatoria correspondente, agás se a dita titulación é o requisito académico para continuar os estudos na Universidade da Coruña
- Reunir os requisitos, académicos establecidos nesta convocatoria.
- Non poderá solicitar unha bolsa de colaboración a persoa que gozase con anterioridade doutra bolsa de colaboración da Universidade da Coruña.
- Os bolseiros de colaboración deberán manter a condición de estudantes dalgunha das titulacións oficiais que se imparten na Universidade da Coruña durante o período completo da duración da bolsa.

Código Seguro De Verificación	19s1dMQL2+/psi3xu/WdKA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	1/6
Url De Verificación	https://sede.udc.gal/services/validation/19s1dMQL2+/psi3xu/WdKA==		





- A perda da condición de estudante dalgunha das titulacións oficiais que se imparten na Universidade da Coruña supoñerá o cesamento automático da bolsa e a perda dos dereitos que esta leva consigo
- Non incorrer en ningunha incompatibilidade das especificadas neste regulamento.

3.º Formalización das solicitudes

As solicitudes presentaranse por duplicado e acompañadas inescusablemente da seguinte documentación:

1. Formulario normalizado (ANEXO I)
2. Fotocopia do DNI
3. *Currículo vitae* da persoa solicitante coa documentación que o acredite.
4. Declaración xurada de non contar con ningunha axuda económica incompatible nin realizar ningunha actividade retribuída. (ANEXO II). No caso de realizarse unha actividade retribuída, certificación da Axencia Tributaria acreditativa do seu nivel de rendas, para os efectos de comprobar que non se obteñen ganancias superiores no seu importe ao trinta por cento do Salario Mínimo Interprofesional.

4.º Contía e período

O importe bruto da axuda será de 1.500 € euros que se aboarán en pagamentos mensuais de 250 euros ao que se lle aplicarán as retencións correspondentes a conta do Imposto sobre a Renda das Persoas Físicas, conforme ao previsto na norma reguladora dese imposto. Así mesmo, ao antedito importe descontaráselle a cotización do bolseiro á Seguridade Social, segundo o disposto no Real Decreto 1493/2011 de 24 de outubro, polo que se regulan os termos e condicións de inclusión no Réxime Xeral da Seguridade Social das persoas que participen en programas de formación. O pagamento efectuarase con referencia á situación do dereito da persoa bolseira ao día último do mes que corresponda.

A duración da bolsa será de seis meses, desde o día 1 do mes de abril ata o día 30 do mes de xuño (3 meses) e dende o 1 de outubro ao 31 de decembro (3 meses), cunha dedicación de 8 horas semanais.

Os pagamentos faranse con cargo á partida orzamentaria 7100.300C.480.00 denominada “Convocatoria de bolsas de colaboración na Exposición Naval de Ferrol 2018– Facultade de Humanidades e Documentación”.

A aceptación da bolsa farase mediante documento asinado pola persoa interesada en que se compromete a cumprir todas as condicións recollidas nesta convocatoria.

Código Seguro De Verificación	19s1dMQL2+/psi3xu/WdKA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	2/6
Url De Verificación	https://sede.udc.gal/services/validation/19s1dMQL2+/psi3xu/WdKA==		





5.º Comisión de selección

A Comisión de Selección estará constituída por:

Presidente: Manuela del Pilar Santos Pita, decana ou persoa que o substitúa
Secretario: María Pilar Comesaña Pérez, PC-DR
Vogal 1: Rosa C. Martín Vaquero, PTU
Vogal 2: Antonio García Allut. **TIT-EU DR**
PAS: María Juana Cacharrón Bao
Alumnado: Alexia Novo Martínez

6.º Criterios de avaliación

- 1) Expediente académico: 7,2 puntos (72% da puntuación total)
- 2) Outros méritos: 2,5 puntos (25% da puntuación total)
 - Formación e experiencia nas materias obxecto desta convocatoria: 2,0 puntos (20% da puntuación total)
 - Coñecementos informáticos: 0,5 puntos (5% da puntuación total)
- 3) Coñecemento acreditado do galego: 0,3 puntos (3% da puntuación total)

Só se valorarán os méritos que se acrediten documentalmente referidos á data de finalización de presentación das solicitudes.

Publicarase na Sede Electrónica da Universidade da Coruña unha listaxe provisoria de persoas admitidas e excluídas e abrirase un prazo 5 días hábiles para presentar reclamacións. Transcorrido este prazo, procederase á resolución da solicitude da bolsa e á súa publicación no mesmo lugar en que se publicou a convocatoria.

Contra esta resolución, a persoa interesada poderá interpoñer un recurso de reposición perante o/a reitor/a no prazo dun mes contado a partir do día seguinte ao da publicación desta resolución na páxina web da UDC.

7.º Obrigas das persoas bolseiras

1. Asinar a aceptación e as condicións da bolsa
2. Incorporarase ao seu centro de destino na data indicada na convocatoria ou na concesión, salvo autorización expresa de quen convoque para facelo noutro momento. A falta de incorporación, ou a insistencia ulterior inustificada, interpretarase como renuncia á bolsa
3. Realizar con aproveitamento todas as actividades que se lle encomenden, de acordo co obxecto da convocatoria pública da bolsa e seguindo as instrucións da persoa responsable da súa titorización.
4. Informar e responder da súa actividade. Ao remate da bolsa deberá entregar unha memoria avalada pola persoa responsable da súa titorización, quedando condicionado o último pago da bolsa á entrega e aprobación da memoria.
5. Facer uso adecuado das instalacións e dependencias universitarias.
6. Cumprir os deberes que poidan vir establecidos na correspondente convocatoria pública da bolsa e no presente regulamento para a concesión e goce da bolsa, tendo presente o réxime de compatibilidade cos seus estudos.

Código Seguro De Verificación	19s1dMQL2+/psi3xu/WdKA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	3/6
Url De Verificación	https://sede.udc.gal/services/validation/19s1dMQL2+/psi3xu/WdKA==		





7. Non poderá ocupar postos nin do persoal de administración e servizos nin do persoal docente e investigador ou que supoñan a realización de labores propios deste persoal.
8. Non gozará de exención dos prezos públicos universitarios, salvo que a convocatoria que orixine o nomeamento, ademais de proceder dun organismo público, inclúa expresamente esta previsión e reciba conformidade previa do reitor.
9. Non poderá ocupar, nin sequera transitoriamente, cargo universitario ningún, agás que se trate de cargos para os que exista autorización expresa dos Estatutos da Universidade da Coruña, ben por se tratar de órganos abertos á provisión por calquera membro da comunidade universitaria, ou ben por ser cargos derivados da condición de representantes do estudiantado.
10. Non realizará actividades que non estean relacionadas especificamente co obxecto da bolsa.
11. Manter a confidencialidade respecto aos asuntos que coñeza no desenvolvemento da bolsa de colaboración, e non dar publicidade, difundir, conservar, copiar, subtraer ou utilizar en xeral ningún documento ou información de calquera tipo que pertenza á Universidade da Coruña.

Todas as baixas que se produciren, antes do 30 de outubro de 2018, serán substituídas pola seguinte persoa da relación que elaborará a Comisión de Selección.

A presente convocatoria debe ser integrada e interpretada ao abeiro do Regulamento de bolsas da Universidade da Coruña, aprobado na sesión do Consello de Goberno do 26 de xuño de 2016.

8º. Prazo e lugar de presentación das solicitudes

As solicitudes presentaranse no Rexistro Xeral da Universidade da Coruña (Rúa Maestranza, 9 - 15001 – A Coruña), no Rexistro Auxiliar da Coruña ou no Rexistro da Vicerreitoría do Campus de Ferrol (Edificio de Apoio ao Estudo 15403- Ferrol antes das 14:30 do día 14 de marzo de 2018.

A Coruña, 2 de marzo de 2018

O reitor,

Julio Abalde Alonso

Código Seguro De Verificación	19s1dMQL2+/psi3xu/WdKA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	4/6
Url De Verificación	https://sede.udc.gal/services/validation/19s1dMQL2+/psi3xu/WdKA==		





**SOLICITUDE DE BOLSA DE COLABORACIÓN PARA A EXPOSICIÓN DA CONSTRUCCIÓN
NAVAL DE FERROL**

PERÍODO ABRIL- DECEMBRO 2018

APELIDOS E NOME: _____

ENDEREZO DURANTE O CURSO: _____

POBOACIÓN: _____ CÓDIGO POSTAL: _____

TELÉFONO DE CONTACTO: _____

ESTUDANTE DA ESCOLA/FACULTADE: _____

TITULACIÓN: _____

_____, _____ DE _____ DE 2018

ASDO.: _____

DOCUMENTACIÓN QUE SE ACHEGA:

- COPIA DO EXPEDIENTE ACADÉMICO
- CURRICULUM VITAE (documentación na que conste experiencia e coñecementos acreditados de informática e galego)
- DECLARACIÓN XURADA
- FOTOCOPIA DNI
- CERTIFICADO DE IMPUTACIÓNS DO IRPF

SR. DECANO DA FACULTADE DE HUMANIDADES E DOCUMENTACIÓN DE FERROL

Código Seguro De Verificación	19s1dMQL2+/psi3xu/WdkA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	5/6
Url De Verificación	https://sede.udc.gal/services/validation/19s1dMQL2+/psi3xu/WdkA==		





Don/Dona _____

co DNI _____

Declaro baixo xuramento que non percibo ningunha axuda económica incompatible nin realizo ningunha actividade retribuída que supoña a obtención de ganancias superiores no seu importe ao trinta por cento do Salario Mínimo Interprofesional.

_____, _____ de _____ de 2018

Asdo.:

Código Seguro De Verificación	19s1dMQL2+/psi3xu/WdkA==	Estado	Data e hora
Asinado Por	Reitor Julio Ernesto Abalde Alonso	Asinado	02/03/2018 10:34:25
Observacións		Páxina	6/6
Url De Verificación	https://sede.udc.gal/services/validation/19s1dMQL2+/psi3xu/WdkA==		

